



Berita UniMAP

Menteri Besar Rasmi KPTN Zon Utara



KANGAR, 20 Februari 2011 - Y.A.B Menteri Besar Perlis, Dato' Seri Dr. Md Isa Sabu dan isteri meluangkan masa untuk merasmikan Karnival Pengajian Tinggi Negara (KPTN) 2011 bagi Zon Utara yang dianjurkan oleh Kementerian Pengajian Tinggi dengan kerjasama Universiti Malaysia Perlis.

Majlis perasmian berlangsung dengan penuh tradisi apabila Y.A.B Menteri Besar memotong riben perasmian yang diikat pada jendela rumah tradisi Melayu sebelum meneruskan agenda dengan melawat booth pameran.

Pada majlis yang sama, Y.A.B Menteri Besar turut diberikan penerangan oleh Ketua Pengarah Jabatan Pengajian Tinggi, Yang Berbahagia Prof. Dr. Rujhan Bin Mustafa mengenai objektif utama penganjuran KPTN di seluruh negara. Majlis perasmian turut dihadiri oleh Naib Canselor UniMAP, Brig. Jen. Dato' Prof. Dr. Kamarudin Hussin dan Setiausaha Bahagian, Bahagian Sukan Kementerian Pengajian Tinggi, Dr. Saharudin Haji Ismail.



Sementara itu, Dewan 2020, lokasi utama pameran dikunjungi lebih puluhan ribu pengunjung yang mengambil peluang untuk mendapatkan maklumat berkaitan kelayakan masuk ke Institusi Pengajian Tinggi Awam (IPTA), Institusi Pengajian Tinggi Swasta (IPTS) dan juga semua agensi yang bernaung di bawah Kementerian Pengajian Tinggi.

Lebih 100 booth pameran disediakan pihak penganjur yang mana setiap booth berusaha memberikan informasi terkini dan terbaik mengenai agensi masing-masing sepanjang dua hari karnival berlangsung.

Buat pertama kalinya juga tahun ini, Bahagian Kemasukan Kementerian Pengajian Tinggi menyediakan ruang 'i-mas-c-u' yang menyediakan khidmat bimbingan dan nasihat untuk lepasan Sijil Pelajaran Malaysia (SPM) dan Sijil Tinggi Pelajaran Malaysia (STPM) memilih kursus yang bersesuaian dengan kelulusan masing-masing.

